

IV. De contrario consensu.

§. ult. Hoc amplius, ex obligationes, quæ consensu contrahuntur, contrariâ voluntate a dissolvuntur. Nam si Titius & Sejus inter se consenserint, ut fundum Tusculanum emptum Sejus haberet centum aureis: deinde re nondum secuta, id est neque precio soluto, neque fundo tradito, placuerit inter eos, ut discederetur ab ea emptione & venditione: invicem liberantur. Idem est in conductione & locatione, & in omnibus contractibus, qui ex consensu descendunt, sicut jam dictum est e.

a) re scilicet adhuc integra: vel certe, omnibus quæ facta sunt, retroactis, seu restitutis. l. ab emptione. 58. ff. de pact.

b) quia nihil tam naturale est, quam eomodo quidque tolli vel solvi, quo obligatum est. l. nihil. 35. ff. de R. I.

c) Præter modos in h. t. repositos, tollitur etiam obligatio per compensationem: l. si constat. 4. C. de compensat. rei interitum: l. verborum. 107. ibi, aut eum res, &c. ff. de solut. confusionem: d. l. 107. in fin. per violentam exactionem. l. extat. 23. in fin. ff. quod met. caus.



INSTI